

道為刻限

取申瑛等四人新良人鄭蕃濫入所製亦在選中臺諫合司啓

曰鄭蕃新良人之子也前者欲赴科舉偽著徐厚李凡名於保單字而

為四館所摘移刑曹治罪今者亦不錄名而濫入衆選請於放榜前改

正傳曰可南袞謂人曰我國規矩如此然此人能於文者若不改正而

不分之於四館用之於教授訓導之任何如李衍李沆等曰然則後弊

多矣袞曰然則即削鄭蕃名改書榜目○申瑛為成均館典籍金軼為

通禮院引儀

武科壯元

○永川居進士朴允秀妻有節行旋門○己巳憲

府啓柳聯年李之芳等事不從○庚午日暈○夜坤方巽方氣有如火

四月壬申朔右承旨金末文啓曰強盜梟首事言于刑曹則以為此乃

新立之條報政府舉行何如云傳曰其報府曰傳教內因正朝使申公濟

聞見事件有中朝於漁陽路梟強盜之首大抵強盜殺害人民劫掠財

物其罪深重可依中朝梟首街路廣示往來人○傳曰李之芳書狀云

義州城子已畢修築正朝使申公濟則云盡已頽落其招柳聯年問之

必知其修築與否也

聯年以前監司昨日來

○御書講○柳聯年承召來啓曰臣

辛巳年赴任聞義州城子二千餘尺頽落其後漸加頽落於是起築而

石不足故壬午年夏令正兵拾石積置後臣與節度使李之芳同議以